

Na osnovu Odluke o odobravanju prodaje motornog vozila („Službene novine Kantona Sarajevo“ br. 43/17), Komisija za prodaju motornog vozila, objavljuje :

JAVNI OGLAS za prodaju motornog vozila

I PREDMET PRODAJE

Putničko motorno vozilo u vlasništvu općine Ilijaš marke ŠKODA, tip OCTAVIA LX 1,9 SDI, vrsta motora dizel, snage 50 KW, radne zapremine motora 1896 cm³, boja vozila siva, mjesta za sjedenje 5, broj šasije TMBDN01U7Y2406374, vrsta vozila M1–putnički automobil, godina proizvodnje 2000, neregistrovano.

Početna prodajna cijena vozila iznosi 2.500,00 KM

Prodaj motornog vozila izvršit će se metodom prikupljanja zatvorenih ponuda.

II PRAVO UČEŠĆA

Pravo učešća imaju sva fizička i pravna lica koja izvrše uplatu depozita u iznosu od 10 % od početne prodajne vrijednosti.

Depozit se uplaćuje u korist Depozitnog računa Budžeta općine Ilijaš, br. 160200000710645 , vrsta prihoda 722791, sa naznakom – depozit za prodaju motornog vozila

Uposlenici Općine Ilijaš i članovi njihove uže porodice nemaju pravo učešća u postupku prodaje.

III PREGLED VOZILA

Uvid u stanje vozila se može izvršiti u periodu od 04.12. do 08.12.2017. godine, od 11:00 do 14:00 sati, uz najavu na broj telefona: 061 336 365 (kontakt osoba Osmanović Munib)

IV DOSTAVLJANJE PONUDA

1. Ponude se dostavljaju u zatvorenoj koverti sa naznakom „NE OTVARAJ - Ponuda za prodaju vozila putem zatvorenih ponuda, uz dokaz o uplati depozita, i na propisanom obrascu "Obrazac za cijenu ponude".
2. Ponude se mogu dostaviti putem pošte ili lično na protokol općine Ilijaš, ul. 126. Ilijaške brigade br. 6 - ILIJAŠ.
3. Krajnji rok za dostavljanje ponuda je 11.12.2017. godine do 15:00 sati.
4. Ponude koje stignu poslije navedenog roka neće se uzeti u razmatranje.
5. Javno otvaranje ponuda održat će se 12.12.2017. godine, sa početkom u 10:00 sati u prostorijama Općine.
6. Otvaranju ponuda mogu prisustvovati fizička lica, lično ili po punomoćniku, te lica koja su ovlaštena da zastupaju pravna lica ili punomoćnike za učešće u postupku licitacije, uz priloženu punomoć.

V SADRŽAJ I PRIHVATLJIVOST PONUDA

1. Ponuda treba da sadrži:

- a) Podatke o ponuđaču - fizičkom licu (ime i prezime, ime jednog roditelja, adresu i broj telefona,) ili
 - b) Podatke o ponuđaču - pravnom licu (naziv, kopiju Rješenja o upisu u sudski registar ovjerenu od strane nadležnog organa, adresu i broj telefona, ime ovlaštenog lica u postupku licitacije),
 - c) Iznos ponude u konvertibilnim markama,
 - d) Dokaz o uplati depozita.
2. Ponuda se dostavlja na propisanom obrascu (Prilog 1).
 3. Ponuda mora biti potpisana od strane ponuđača – fizičkog lica, a ukoliko je ponuđač pravno lice, ista mora biti i ovjerena pečatom pravnog lica.
 4. Prihvatljivom ponudom se smatra ponuda koja sadrži podatke iz stava (1), (2) i (3) ovoga člana i čiji je iznos ponude jednak ili veći od procijenjene/početne vrijednosti vozila.
 5. Postupak prodaje je punovažan i u slučaju da prihvatljivu ponudu dostavi samo jedan ponuđač.


VI OBAVEZE KUPCA

1. Izabrani ponuđač - Kupac dužan je zaključiti ugovor u roku od 5 dana od dana završetka postupka.
2. Kupac je dužan za kupljeno vozilo uplatiti puni iznos u roku od 5 dana od dana potpisivanja ugovora.
3. Sve poreze i troškove oko prenosa vlasništva, kao i troškove registracije vozila snosi Kupac.
4. Prodaja se vrši po principu „viđeno-kupljeno“, bez mogućnosti naknadnih prigovora i žalbi koje se odnose na predmet prodaje, a primopredaja vozila će se izvršiti odmah po predočanju dokaza o izvršenoj uplati ugovorene cijene vozila.
5. Ako Kupac odustane od kupovine vozila, bilo da ne pristupi sklapanju ugovora bilo da u zadatom roku ne uplati puni iznos ponuđene cijene, uplaćeni depozit mu se neće vratiti, a Općina će zaključiti ugovor sa slijedećim najpovoljnijim ponuđačem, čija ponuđena cijena treba da bude ista ili veća od procijenjene/početne vrijednosti vozila.

VII. DODATNE INFORMACIJE

1. Učesnicima u postupku licitacije, čije ponude ne budu prihvaćene, vraća se uplaćeni depozit, u korist računa ponuđača, u roku od 3 dana.
2. Odabranom kupcu uplaćeni depozit se vraća tek po izvršenom plaćanju ugovorenog iznosa za kupoprodaju vozila.
3. Sve dodatne informacije mogu se dobiti radnim danima u periodu od 10:00 do 16:00 sati, na brojeve telefona: 033/580-678 ili 061/336-365.

PREDSJEDNIK KOMISIJE
Čustović ing. Senad



OBRAZAC ZA CIJENU PONUDE

Ponuda za: _____

Naziv pravnog lica ili ime i prezime (ime jednog roditelja) fizičkog lica:

Tačna adresa: _____

Broj telefona: _____

JMBG (za fizička lica): _____

Broj LK (za fizička lica) _____

ID broj (za pravna lica): _____

Iznos ponude _____ KM (slovima: _____).

Potpis (i pečat za pravna lica) _____

Uz ponudu obavezno dostaviti:

- Dokaz o izvršenoj uplati depozita, pojedinačno za svaki LOT;
- - Za pravna lica (Kopiju Rješenja o upisu u sudski registar ovjerenu od strane nadležnog organa; Ime ovlaštenog lica za zastupanje u postupku licitacije).